

Lukas 17:5 Nggahi rasu-rasu zi Ruma Isa, "Ruma, takatenggo to'ipu imbi la madazoho."

Roma 10:17 Vara ndedena dou-dou ndazi imbi vara siazoho ringana haba, ro ringakaina haba vara wara dou ma rangoa ra kahabana haba mavoha Al Masih.

Lukas 11:1 Zisavua ainaina Ruma Isa do'ana zi savua hizi. Sawa'u va nggori do'ana, savua dou zi ade weki anamorizoho-Na manggahi, "Ruma, tatei to'ipu zi la madazoho do'a vune Yahya matei do'a zi anamorizohona."

1 Timotius 2:1-4 Saramba-rambana, nahu maraho poda-poda loakuzu au rarah, sambea, ro do'a safaa ro renta tarima kasi zi karongga zi Ruma Hatalla ru'u sara'ana dou; 2 ru'u sangaji-sangaji ro zi ru'u sara'a dou ma nenti kuasa. Rahopu loakuzu ndai loa mori taho ro sana zi ru'u Ruma Hatalla kai ruku ra rawi ma patu. 3 Edeku ma taho ro makasana wea ade Ruma Hatalla, Ma Kasalama ndaita. 4 Ne'e va Sia loakuzu sara'a dou zi kasalama ro vadena ma ncihi.

Lukas 22:31 "Simon, Simon, ringapu! Ibilis wa'ura mbei iji zima'iji nggomizoho; vune gando rakalai lavo ropena ndazina ma taho rakalai lavo ma iha.

Zakaria 3:1,2 - Yudas 1:9 Ndai Mikhael, ma na'ekaina mala'eka-mala'eka, wati paranana karawi vune ede. Aipu wakatu sia cencena lavo Ibilis zi ade cence ncihina mavoha couku zimarakana timba la Musa, Mikhael wati disana vavukai hukuma zi Ibilis kai nggahi ra eli makavawa ra katuna. Mikhael cuma nggahina, "Ruma zimavakana nggomi!"

Efesus 6:12 Vara ndaita lewa laina ao manusia, malaisi ao tenggo ra wale sara'a seta-seta ma kuasakai jamana ma davae ake. Ndaita ao tenggo ra wale roh-roh madavae ma kuasakai ese woha ai.

Efesus 6:10,11 Cumpukaina, pavuapu nggomizoho ndazi tenggo kai tenggo ra wale raraka va nggomizoho razi kuasa Ruma, vara nggomizoho savuamu lavo Sia. 11 Kanipu samenana zaha ra zano lewakai rambei va Ruma Hatalla zi nggomizoho, loakuzu nggomizoho wa'umu taha ao cara-cara tipu va Ibilis mamboto aka ma davae.

Efesus 6:13-17 Vara ndedena, ake, kanipu samenana zaha ra zano lewakai Ruma Hatalla, loakuzu zi ainaina ma davae nggomizoho mawa'uku ao zi ade deikai va musu. Ro loakuzu sawa'u va nggomizoho lewamu sampe cumpukaina, nggomizoho mbuipu kante'emu. 14 Pavuapu nggomizoho sadia ncau. Kanipu ngoa ra tei mapoda razi Ruma Hatalla, zimandazi salepemu, ro taho poda ademu zimandazi vaju vesimu. 15 Pavuapu rela ademu zimangoa ra kahaba Haba Mataho ma wa'a taho ra ntai mandazi sapatumu. 16 Sanikina wakatu kanipu imbimu zi Ruma mandazi zaha matula ao; kai imbimu ede nggomizoho maloa kamade ao sara'a ana fana afi razi Ibilis. 17

Wehapu zi salamakaimu kai songko waja, ro nggahi ra eli Ruma Hatalla zimandazi peda razi Roh Yehowah.

Ibrani 4:12 Nggahi ra eli Ruma Hatalla edezu nggahi ra eli ma mori ro tenggo; ncewi ngaha razi peda mantau woi vali vae. Nggahi ra eli ede nacakiku sampe hampa nawa ro roh; sampe hampa hela puru-puru ro peke sambadi, ndazina zi vadekai sazei-zeina fiki ra kananu ro nia ade manusia.

Lukas 4:8 Cambe va Ruma Isa, "Zi ade Alkitab ratunti, 'Nembapu Ruma Hatalla, Rumamu ro karawipu zi ru'u Siampa.' "

Efesus 6:18 Karawipu samenana ede do'a salaho zi rahokaimu bantu zi Ruma Hatalla. Zi sanikina wakatu, do'apu vune Roh Yehowah mazanda nggomizoho. Pavuapu nggomizoho sadia ncau ro aina koa. Do'a ncaupu ru'u samenana ela Ruma Hatalla. 1 Samuel 17:45-47 - Daud & Goliath

Lukas 10:17-20 Pidumpuru anamori ede dula mbalina kai neo poda adena.

"Ruma," nggahi siazoho, "roh-roh seta rau nato'a zi madazoho nggara parentasi va madazoho kai ngara Ita Ruma!" 10:18 Cambe va Ruma Isa, "Nahu edaku Ibilis mavu razi ese langi vune kakila ai. 19/20 Kone ade ndedekaina aina neo ade vara roh-roh seta to'ana zi nggomizoho. Natahopu nggomizoho neo ademu vara ngaramu wa'ura tunti zi saroga."

2 Korintus 10:3-5 Nami poda romo mbuipu morimu zi ade dunia, pala nami wati usaha kapodamu ade kai dasa ne'e dunia. 4 Zaha ra zano rakani va nami zi ade usaha kapoda ade nami laina zaha dunia ake, pala zaha ra zano Ruma Hatalla ma ntau kuasa. Kai zaha ra zano ede nami kalelimu matapana; tulekai va nami cence ncihi 5 ro ncorakaimu bente sombo ratu'u zimadaca'u ro loa ra tingi mavoha Ruma Hatalla. Taha va nami fiki ra kananu dou-dou ro ndawimu siazoho oko ro dahu zi Al Masih.

2 Timotius 1:7 Vara Roh rambei va Ruma Hatalla ru'u ndaita, laina Roh zimakandazi ndai dahu. Pala Roh Yehowah ede nakandaziku ndai tenggo, vini va meci ra ca'u ro loa pi'i ade.

Matius 12:28,29 Pala Nahu vaka kalosa roh seta kai kuasa Roh Yehowah. Ede aona va one Karaja'an Yehowah nawa'ura mai zi nggomizoho. 29 Vuneku dou loana lu'u zi ade uma dou ma tenggo va ne'ena weha ra rampa wea ntauna, nggara sia watisi leto ulu wa'una dou matenggo ede? Sawa'u va ede, ampona loa weha ra rampa wea ntau ra warana.

Efesus 1:13 Nggomizoho rau wa'ura ndazi ela Ruma Hatalla wakatu ringa va nggomizoho ranggahi va Ruma Hatalla, edezu Haba Mataho ma mbei salama zi ru'umu. Nggomizoho ma'imbiku zi Ruma Isa Al Masih, vara ndedena Ruma Hatalla mbeina tanda ntau-Na zi nggomizoho, edezu Roh-Na rasake-Na.

Kisah Rasu-Rasu 19:6 Ro wakatu la Paulus tohona rima ese wawo siazoho, Roh Yehowah makuasakai siazoho, edempara siazoho tampu'u nuntu ra nggahina ade bahasa ma wati loa ka'ao va dou ro karonggana haba ma ramai ta Ruma Hatalla.

Markus 16:15-18 Edempara Ruma Isa nggahina zi siazoho, "Laora aka sara'a dunia ro ngoa ra kahabapu Haba Mataho ma ramai ta Ruma Hatalla ede zi samenana ela manusia. 16 Dou ma wati imbi zi hukum. Pala dou ma imbi ro zikandeu karaso, zimasalama. 17 Zibukutikai va one siazoho imbina, dou-dou ede zimavaka kalosa roh seta kai ngara Nahu; siazoho zimanuntu ra nggahi kai bahasa-bahasa rawati vade va ndai siazoho. 18 Nggara siazoho nentina sawa atao nonona racu, siazoho wati zima'ih. Nggara siazoho tohona rimana ese wawo dou-dou ma supu, dou-dou ede zimataho."

1 Yahya 1:9 Pala nggara mangakusi va ndai dosa-dosa ndai zi Ruma Hatalla, Sia zimambei rasake-Na ro nakarawiku au ma adi. Sia zimakangampuna dosa-dosa ndaita ro nakarasoku ndai razi sara'a ruku ra rawi ndai ma ncara.

Zabur 109:17 - Yakobus 3:10 Zi asa ma sama losa nggahi ra eli tarima kasi ro nggahi ra eli ma sumpa ka'ih. Sapodakaina laina ndede!

Hukum 16:16 - 2 Petrus 2:7,8 Pala la Lot rakasalama wea, vara sia vatuna rakane'e Ruma Hatalla; sia nawancuku susa ra ncokina vara ruku ra rawi ma iha razi dou-dou madavae. 8 Zi ade woha dou-dou vune ede la Lot ma taho ede mori kai ade mpidana mancoki, vara saniki ainaina sia eda ro ringana ruku ra rawi siazoho ma davae.

Efesus 4:26 Nggara mbanisi nggomizoho, aina co'omu mbanimu ede, kandazina nggomizoho dosa. Aina mbanimu sanaru ainaina,

Roma 14:12 Ndazi cua-cua ndaita, pavuaku su'u ra tundu zi samenana ruku ra rawi ndai zi Ruma Hatalla.

1 Yahya 2:23 Dou ma wati mangaku Ana, aona wati tarimana Ama rau. Ro dou ma mangaku Ana, aona natarimaku Ama rau.

Yahya 14:6 Cambe va Ruma Isa, "Nahuku ncai zipatakai Ruma Hatalla ro zirakakai mori. Wati kone savua dou rau maloa mai zi Ama, nggara watisi kai ncai Nahu.

Matius 11:28-30 Maipu ara Nahu nggomizoho sara'a ma rome ra dawa'u, ro ma'iu tani rawa'ana; Nahu zimambei tenggo ra wale nggomi. 29 Vatupu parenta Nahu ro tana'opu zi Nahu. Vara Nahu ake nantika nggahi ra eli-Ku ro ka'awa weki, ndazi nggomi ma'iuku tenggo. 30 Vara parenta-parenta Nahu nambeiku sana, ro au rakau-Ku wa'a matani zi nggomizoho naneo."

2 Korintus 6:2 Ade Alkitab, nggahi Ruma Hatalla, "Zi wakatu rakane'ekai, Nahu wa'ura ringaku nggomi, ro zi ainaina salamakai, Nahu wa'ura bantuku nggomi." Kawara katahopu, wakatu akeku rakane'ekai ede. Wakatu akeku ainaina zi salamakai!

Roma 10:13 Ade Alkitab ratunti, "Samenana dou ma ou Ruma, zimasalama."

Exodus 20:5 - sin cursed to 3 & 4 generations

Pastor T. John Franklin

Church of Salvation, Healing, and Deliverance

COS-HAD.org